



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1412/13
Sarajevo, 10.9.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO			
12.09.2013			
Organizaciona jedinica	Klasifikacija	Redni broj	Broj priloga
01-50-1-15		47/13	
01-50-1-511/13			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničku inicijativu – dostavlja se

Vijeće ministara Bosne i Hercegovine, na 61. sjednici održanoj 29.8.2013. godine, utvrdilo je Odgovor na zastupničku inicijativu koju je uputio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U privitku prosjeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-1412/13
Sarajevo, 29.8.2013. godine

Zijad Jagodić, poslanik u Predstavničkom domu Parlamentarne skupštine Bosne i Hercegovine na 47. sjednici ovog doma, održanoj 18.04.2013. godine, podnio je sljedeću poslaničku inicijativu:

Obzirom da je u prva dva mjeseca 2013. godine uvoz u BiH bio veći za 10,8%, ili za oko 900 miliona KM, pri čemu je uvoz prehrambenih proizvoda veći za 15,6% kao i uvoz baznih metala čiji je uvoz veći za 10-11%, inicirati da VM poduzme adekvatne mjere u cilju zaštite domaće proizvodnje jer će se trend uvoznih roba u naredna tri mjeseca, kao i ovoj godini značajno povećati ukoliko se ne poduzmu odgovarajuće mjere.

Na poslaničku inicijativu, Savjet ministara Bosne i Hercegovine je na 61. sjednici održanoj 29.8.2013. godine, utvrdio sljedeći

ODGOVOR

Ministarstvo spoljne trgovine i ekonomskih odnosa BiH prati utvrđenu trgovinsku politiku u skladu sa domaćim zakonodavstvom i potpisanim međunarodnim sporazumima, koji u osnovi predviđaju liberalizaciju trgovine. Takođe, nizom pojedinačnih mjera su utvrđeni pravci djelovanja u oblasti spoljne trgovine: pojačan inspeksijski nadzor i carinska kontrola prilikom uvoza, posebno poljoprivrednih i prehrambenih proizvoda, te stvaranje uslova za nesmetan izvoz kroz olakšanu proceduru certificiranja i laboratorijskih nalaza koji prate pošiljke sa proizvodima biljnog ili životinjskog porijekla. Osnova djelovanja za podršku domaće proizvodnje je iniciranje i stvaranje jednakih ili sličnih uslova u privređivanju i trgovini sa uslovima koje imaju zemlje sa kojima su potpisani ugovori o slobodnoj trgovini.

Kada su u pitanju međunarodni sporazumi o slobodnoj trgovini u svakom su ugrađeni mehanizmi zaštite. Propisani su uslovi i procedure, a takođe su doneseni i podzakonski akti koji regulišu predmetnu materiju. Kada se ostvare propisane pretpostavke u određenoj proceduri može se donijeti određena ili određene zaštitne mjere.

Savjet ministara BiH, odnosno Ministarstvo spoljne trgovine i ekonomskih odnosa BiH u saradnji sa drugim nadležnim institucijama, je u okviru 25 Mjera za poboljšanje uslova poslovanja u poljoprivrednoj proizvodnji i prehrambenoj industriji Bosne i Hercegovine realizovalo sve kratkoročne mjere, dugoročne djelimično, dok se specifične mjere usljed pojave novih uslova na tržištu prate i rješavaju kontinuirano. To se posebno odnosi na mjere koje obuhvataju aktivnosti izmjene i dopune određenih zakonskih i podzakonski akata i strateških dokumenta.

Jedan od ključnih dokumenata, u cilju zaštite domaće proizvodnje i poboljšanja iste, je i Mapa puta s ciljem stvaranja uslova za izvoz proizvoda životinjskog i biljnog porijekla. Dokument je pripremljen prije tri godine i o implementaciji aktivnosti redovno se izvještava prema Savjetu ministara BiH. Do zastoja u implementaciji je došlo na horizontalnom nivou u okviru implementacije tačaka 1 i 4, a zbog preklapanja nadležnosti koje regulišu Zakon o hrani i Zakon o veterinarstvu na državnom nivou. Dio problema je prevaziđen usvajanjem „higijenskog paketa“. Potpisivanjem MLA sporazuma od strane Evropske akreditacijske agencije sa Institutom za akreditiranje BiH (BATA) olakšan je pristup certifikatima domaćih akreditovanih laboratorija, što takođe predstavlja poboljšanje uslova za izvoz.

U oblasti biljne proizvodnje napredak je evidentan na ispunjavanju uslova za izvoz u EU. Pravilnik o listama štetnih organizama se počeo implementirati što je jedna od najznačajnijih aktivnosti, a imenovani su i fitosanitarni inspektori čime su obezbjeđeni uslovi za inspekcijski nadzor primjene zakonodavstva iz fitosanitarne oblasti. Ispunjavaju se i posebni uslovi za izvoz krompira iz BiH na evropsko tržište, prije svega završna treća godina monitoringa nad karantinskim štetnim organizmima za šta je su entiteti izdvojili potrebna finansijska sredstva.

Ministarstvo spoljne trgovine i ekonomskih odnosa BiH je takođe, na osnovu poslaničke inicijative, uradilo **Plan aktivnosti zaštite domaće proizvodnje u kontekstu primjene Sporazuma CEFTA 2006**. Plan se sastoji od aktivnosti koje su koncipirane u vidu mjera izrade proizvodno-potrošnih bilansi, uključujući spoljnotrgovinske bilanse za najznačajnije poljoprivredne proizvode i najznačajnije proizvode animalnog porijekla, kako bi se došlo do validnih pokazatelja o stanju na tržištu, na osnovu čega bi se mogle poduzeti i dodatne mjere za unapređenje i zaštitu domaće proizvodnje. Dokument je usvojen na Savjetu ministara BiH i isti je upućen u parlamentarnu proceduru.

Dodatno, dostavljamo vam pregled robne razmjene u trgovini za prva četiri mjeseca, za period januar – april 2013. godine:

Kada je u pitanju ukupan uvoz poljoprivrednih proizvoda (glava Carinske tarife 1-24) za period I – IV 2013. godine je iznosio 865,89 miliona KM, što predstavlja 18,41% ukupnog bh uvoza. Uvoz poljoprivrednih proizvoda za period I – IV 2013. godine je ostvario rast od 7,31% u odnosu na isti period prethodne godine.

Ukupan izvoz poljoprivrednih proizvoda (glava Carinske tarife 1-24) za I-IV 2013. godine iznosio je 197,01 milion KM i predstavlja 7,24% od ukupnog bh izvoza. Izvoz poljoprivrednih proizvoda period I – IV 2013. godine ostvario je rast od 21,03% u odnosu na isti period prethodne godine.

Pokrivenost uvoza izvozom poljoprivrednih proizvoda za period I – IV 2013. godine je iznosio 22,75% što je za 2,58% više od pokrivenosti u istom periodu prethodne godine, kada je iznosio 20,17%.

Vrijednost izvoza ostvarenog u pomenutom periodu je iznosila 2,72 milijarde KM, i veći je za 12,52% u odnosu na isti period prošle 2012. godine.

Bosna i Hercegovina je u istom periodu uvezla robe u vrijednosti od 4,7 milijardi KM, i to je za 0,43% manje nego u istom periodu prošle godine.

Ukupan obim spoljne trgovine Bosne i Hercegovine sa svijetom za period I – IV 2013. godine je iznosio 7,43 milijarde KM. To je za 3,96% više u odnosu na isti period prošle godine, kada je ukupna robna razmjena iznosila 7,14 milijardi KM.

Saldo razmjene, odnosno trgovinski deficit za period I – IV 2013. godine je iznosio 1,98 milijardi KM što je za 14,04% manji deficit u odnosu na isti period u prošloj godini.

Pokrivenost uvoza izvozom za I – IV 2013. godine je iznosila 57,89% što je za 6,66% više od pokrivenosti uvoza u istom periodu prethodne godine kada je iznosila 51,22%.

Vjerujemo da su i prethodno navedene aktivnosti i mjere koje Ministarstvo spoljne trgovine i ekonomskih odnosa BiH preduzelo, uticale na povoljniju poziciju u trgovinskoj razmjeni Bosne i Hercegovine sa svijetom u prva četiri mjeseca 2013. godine.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1411/13
Sarajevo, 28.5.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 29-05-2013			
Organizaciona jedinica	Klasifikaciona oznaka	Redni broj	Broj prijema
01-50-1-15		15	97/13

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 51. sjednici održanoj 28.5.2013. godine, utvrdilo je Odgovor na zastupničko pitanje koje je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1- 1411/13
Sarajevo, 28.5.2013. godine

Zijad Jagodić, poslanik u Predstavničkom domu Parlamentarne skupštine Bosne i Hercegovine, na 47 sjednici Predstavničkog doma održanoj 18. Aprila 2013. godine, postavio je sljedeće poslaničko pitanje:

"Da li postoje ekonomski pokazatelji opravdanosti dislociranja upravljačkih organa krovih zrakoplovnih institucija kao što su BHDCA i BHANSA iz glavnog grada?"

Na postavljeno pitanje, Vijeće ministara Bosne i Hercegovine je na 51. sjednici održanoj 28.5.2013. godine, utvrdio sljedeći

ODGOVOR

Na osnovu Strategije razvoja sistema za upravljanje vazдушnim saobraćajem u BiH koju je Savjet ministara BiH usvojio na 94. sjednici održanoj 06.10.2005. godine, definisano je da će BiH, kroz relaizaciju Projekta upravljanja vazдушnim saobraćajem, ući u proces transformacije vazduhoplovnih institucija, odnosno formiranje pružaoca usluga kontole letenja (Agencija za pružanje usluga vazdušne plovidbe - BHANSA), te da je pri tome porebno zadovoljiti princip da sjedište BHDCA i sjedište BHANSA budu u različitim entitetima BiH. Na osnovu navedenog, te člana 9. stav (2) i (3) Zakona o vazduhoplovstvu BiH („Službeni glasnik BiH, broj: 39/09) sjedište Direkcije za civilno vazduhoplovstvo BiH je Banjaluci sa dvije regionalne kancelarije u Sarajevu i Mostaru, dok je, na osnovu člana 2. stav (2) i člana 5. Zakona o Agenciji za pružanje usluga u vazdušnoj plovidbi BiH („Službeni glasnik BiH, broj: 43/09) sjedište Agencije za pružanje usluga u vazdušnoj plovidbi BiH u Mostaru sa operativnim jedinicama i dijelovima u Sarajevu, Mostaru i Banjaluci.